

postrimeras e con la meatad de la dicha moneda real, e que los dichos cogedores que vos devan los maravedis que montavan las monedas, de que eran llegados los plazos e que los non quisiestes re ber por que vos lo davan en moneda menuda de Aragon e non en moneda castellana. E dizen que, por quanto despues quel dicho rey nuestro padre, fizo mudamiento de la moneda de reales e cruzados que se solian usar, non se labro ninguna en la dicha  bdat, e que si non ha usado ni usa despues aca otra moneda, si non de reales de Aragon que andan en numero de cornados de Castiella, e que los recabdadores que fasta aqui an recabdado las nuestras rentas e pechos de la dicha  bdat e de las otras villas del su regnado por el rey nuestro padre e por nos, que sienpre han tomado e re bido de aquella moneda que ally anda por que las gentes non tienen otra de que paguen, e si agora oviesen a pagar las dichas monedas en moneda castellana que lo non podrian fazer ni conplit, por la mengua della que es en la dicha  bdat. E enbieron nos pedir por mer ed que mandasemos re ber la dicha moneda, pues que de otra non podian pagar, e nos tuvimoslo por bien. Por que mandamos que tomedes e re bades los maravedis que montan en las dichas tres monedas e media de la dicha  bdat de la dicha moneda de Aragon que y anda, e que puesto otra moneda costellana non ha que ge las non demandades, ni le fagades premia ninguna sobre ello. E otrosi, eso mesmo, por este nuestro alvala, o por el treslado del signado como dicho es, mandamos a otros qualesquier nuestros recabdadores e cogedores que ovieren de coger e de recabdar las nuestras rentas e pechos de la dicha  bdat, que re ban los maravedis dellas en la dicha moneda de Aragon que se y usa. E que non fagan ninguna premia ni costri imiento al con eio o vezinos e moradores de la dicha  bdat, ni a algunos dellos por moneda castellana, pues que la non an, ni usan otra entre si, salvo la de Aragon, como dicho es. E vos ni ellos non fagades ni fagan ende al por ninguna, so pena de la nuestra mer ed, por ninguna manera, so pena de la nuestra mer ed.

Fecho primero dia de jullio, era de mill e quatro ientos e diez e ocho a os. Nos, el rey.

(33)

**1380?-VII-2, San Esteban de Gormaz.**— Carta de Juan I al Concejo de Murcia, comunicando que ha ordenado a Pedro Alfonso, recaudador de las tres monedas, que tome la moneda de Aragon porque no hay en la ciudad moneda castellana. (A.M.M., C.R. 1405-18, Eras, Fol. 162, v.)

Don Johan por la gra ia de Dios, rey de Castiella, de Leon, de Toledo, de Gallizia, de Sevilla, de Cordoba, de Murcia, de Jahen, del Algarbe, de Algezira, e se or de Lara e de Vizcaya e de Molina, al con eio e cavalleros e omes bue-



nos e oficiales de la noble çibdat de Murçia, salud e graçia. Sepades que viemos vuestra carta que nos enbiastes, e a lo que nos enbiastes dezir en como Pero Alfonso, escrivano, criado de Alfonso Diaz de Vargas, non quiso resçeber los maravedis de las tres monedas postrimeras de las seys que se cojen en esa çibdat este año e los de la meatad de la moneda real, porque nos los davan en moneda castellana, e que por quanto despues quel rey nuestro padre, que Dios perdone, fizo mandamiento de la moneda de reales de cruzados que se solia usar, non se fizo y moneda que no anda y otra, salvo moneda de reales de Aragon que anda en el presçio e numero de los cornados castellanos. E que los recabdadores que an recabdado fasta aqui los nuestros pechos e derechos desa çibdat por el dicho rey nuestro padre, e por nos, que sienpre an tomado e resçevido de la moneda que y anda de Aragon, porque las gentes non tienen otra. E que nos pidiedes por merçed e que pues la mengua de la moneda castellana es en esa dicha çibdat en tal manera que se non pueden aver, que enbiasemos mandar al dicho Pero Alfonso e a otros qualesquier nuestros recabdadores e cogedores, que resçebiesen desa moneda que y anda, pues que otra non anda y, sabed que nos plaze e mandamos dar nuestra alvala firmado del nuestro nonbre, qual cumple sobre esta razon.

Otrosi, a lo que nos enbiastes dezir en como por la gran mortaldad que a andado e anda en esa çibdat, que los alcalles donde non an avido lugar de fazer los alardes de los que an de mantener cavallos por el ordenamiento quel rey nuestro padre fizo en esta razon, el qual nos confirmamos e mandamos guardar. E que nos pediedes por merçed que enbiasemos mandar a los dichos alcalles que fiziesen çesar de fazer los dichos alardes fasta que fuese la merçed de Dios que la mortaldat fuese çesada e se pudiese fazer padron çierto de aquellos que oviesen quantias de tener cavallos. E otrosi, que por los alardes que fasta aqui se dexaron de fazer e se dexasen fasta que la dicha mortaldat çesase que non fueren demandadas penas ningunas, sabed que nos plaze e mandamos dar eso mesmo nuestro alvala qual cunple sobre ello.

Dada en Santo Estevan de Gormaz, dos dias de jullio. Yo, Alfonso Ruiz, la fize escrivir por mandado del rey.

(34)

**1380-VII-30. Burgo de Osma.— Carta de Juan I al Concejo de Murcia, mandando tengan por guardas de las sacas a Martín Sánchez y a Juan de Peniella. (A.M.M., C.R. 1405-18, Eras. Fol. 163, v.)**

Don Johan por la graçia de Dios, rey de Castiella, de Toledo, de Leon, de Gallizia, de Sevilla, de Cordova, de Murçia, de Jahen, del Algarbe, de Algezira,

